

an fortè, ne pecunia perfidiæ vestræ prædium, vobis eriperetur? erubuisse poterant scelesti homines, sed apud animos libidinibus auaritiæque deditos pudoris iactura leuissima est: facile igitur præsentem pudorem, perceptis voluptatibus ac pecunia solabantur. Istud potius miror, vnde illis temporibus tanti & tam comperti facinoris impunitas: vt enim cum eodem Seneca concludam, pudet dicere nunquam apertiusquàm coràm peccatum est.

M. T. CICERO.

**S**ed quis omnium iocator aut promptior aut mordacior Cicerone? cui enim quæso pepercisset, aut cuius magnitudinem timuisset, qui & Pompeio suo non pepercit, & fortunam Cæsaris non expauit: sanè cum æqualiter ambos lacerasset, grauius offendebatur amicior. Venerat ad castra Pompeij in primordio ciuilis belli, reprehendentibus amicis, quod nimis distulisset: Minimè, inquit, sero veni, nam nihil hic paratum video: Pompeij tarditatem in apparatibus bellorum ludens. Cum verò ad ipsius Pompeij conspectum peruenisset, & ille interrogatus dixisset: Ybi nam Dolabella ge-

nes